

ENCUENTRO

ANJA 13, NO.2

SEPTEMBER 2010

Marlin Erasmus: Employee of the Year 2009

E competencia tabata fuerte, pero finalmente Marlin Erasmus di hand-verkoop Botica Kibra-hacha a keda eligi como employee of the year 2009. Ta bon conosi caba cu Marlin su manera di atende cu clientenan ta sumamente bon. E tin un manera hopi amable y cu hopi conocimiento di producto. Esaki a conduci cu den pasado ya e la gana e titulo di empleado di cuartal varios biaha. E aña aki porfin e la keda eligi como empleado di aña. Esnan cu tambe a keda nombra pa representa nan departamento pa e titulo aki ta apotheker Herman Verhoef di BOD, repre-

sentando receptuur, Olympia Christiaans pa administratie VHA y Rofelix Vargas pa VTA. Palabranan di fe-



licitacion ta bai pa tur e empleadonan aki cu a destaca den nan propio departamento y specialmente pa Marlin cu a sa di traha na un manera ehemplar consistentemente y cu a ricibi e titulo di empleado di aña. Marlin a ricibi 12 dia liber, un weekend stay all-in na Westin Resort, un spa treatment y un certificado □

PV VHA ariba Tatto

Ariba anochi di 17 di

Juli un grupo basta grandi di miembronan di PV VHA a subi ariba e barco Tatto pa goza un tiki. E anochi a resulta uno di hopi ambiente anima pa e banda Impak □



UN TIKI DI TUR COS

- *Dia 28 di Augustus Visser Trading Aruba lo tene un otro Warehouse Sale.*
- *Pabien na Jennifer Chong di BSL cu nacemento di su baby boy ariba 26 di juli.*
- *Pronto lo bin cambio den e forma di eligi empleado di cuartal como tambe empleado di aña. Esaki ta pa tuma diferente otro factor den consideracion y pa tambe cambia e pakete di premio cu ta otorga.*
- *Julaica Maduro di VTA a cambia di trabou y awor ta traha na VHA den e puesto anterior di Diana Lewis.*
- *Marca bo agenda: 24 di Oktober ta Family Day di PV VHA! Esaki lo tuma lugar na Holiday Inn Hotel di 9am pa 5pm y mester inscribi prome cu 30 di September.*

DIANA LEWIS A BAI CU PENSIOEN

E fecha 2 di juli 2010 tabata uno special como cu esaki a keda como e ultimo dia di trabou di Sra. Diana Lewis. Diana a traha pa 20 aña den administratie di VHA y a bai cu un pensioen bon mereci. Un siman prome cu e la bai, su coleganan di oficina hunto cu su hefenan a tene un al-

muerzo special p'e na Aquarius Restaurant na Renaissance Marina Resort. Aki tur su coleganan a tuma despedida y Diana a ricibi su regalonan di compania, entre otro un cadena di oro y un certificado. Encuentro ta desea Diana tur cos bon den futuro y disfruta di e tempo liber □



Botica Dominguito a muda den su edificio nobo

Our Vision:

To be the best service oriented healthcare provider, creating innovative wellness solutions for tomorrow with talented, caring people.



HOLDING GROUP

VISSER HOLDING ARUBA N.V.

Italiestraat 24
Oranjestad, Aruba

Tel: 583-5212
Fax: 583-8290
info@visserpharma.com
www.visserholding.com

Na luna di Juni, Botica Dominguito situa na Caracasbaaiweg na Curacao a muda. Awor e botica aki ta situa net na otro banda di caminda di unda e tabata antes. E lugar nobo ta mas facil pa automobilistanan por baha for di caminda pa asina pasa bishita e botica. Botica Dominguito den su version nobo tin un departamento di handverkoop cu ta mas chi-

kito cu antes y un receptuur tambe mas compacto. Sinembargo ambos departamento ta keda bon surti. E mueblesnan den e botica ta sigui e mesun colornan y diseño usa na B4CM na Aruba, dunando e lugar un ambiente moderno y alegre □



Botica Dominguito nobo

Bo tabata sa???

Como cu oktober ta luna di breast cancer awareness, Encuentro ta trece algun tips con pa yuda preveni e malesa aki:

1. Evita alcohol y no bebe mas cu 1 bebida alcoholico pa dia.
2. Mantene un peso saludable pa bo estatura. Sobrepeso ta hisa e riesgo di haya cancer na pecho.
3. Keda fisicamente activo, haciendo ehercicio pa por lo menos 30 minuut pa dia durante mayoria dia di siman.
4. Limita e vet cu bo ta come den cuminda.
5. Evita tratamiento largo cu hormoon pa simptonan di menopausa.
6. Limita di expone bo mes na insecticida y uso necesario di antibiotica.
7. Controla bo pechonan regularmente y acudi na bo dokter inmediatamente si bo sinti cambianan, sinti klompi of ripara cambio ariba bo cuero. Puntra bo dokter ki ora bo por cuminsa haci mammogram.
8. Cancer di pecho por afecta hende homber tambe! □



Sera conoci cu Ivette Dijkhoff. Ivette a cuminsa traha den administratie di VTA dia 1 di Juli na ex-lugar di Juliaica. E la caba di regresa for di Hulanda despues di

a studia bedrijfsadministratie y a traha na Arubahuis. Ivette a biba na Hulanda pa cinco aña. Su hobbynan ta inclui tennis y landa. E ta comprometi y tin pensa di casa otro aña na 2011. Encuentro ta desea Ivette hopi exito den su trabou nobo y ta spera cu tur colega lo yud'e siña e trabou mas rapido posibel □

ANUNCIO

Un pabien ta bai na tur e coleganan cu ta cumpli aña den e lunanan di September y Oktober:

1/9 Randolph Willems, VHA
4/9 Catharina Krozendijk, VHA
5/9 Marilyn Vrolijk, BKH
7/9 Diana Maduro, BSL
8/9 Maria Labad, BKH
10/9 Gina Vrolijk, BSL
13/9 Tamara Vieira, BCE
18/9 Aureen Maduro, BCE

20/9 Manuel Vizhco, BKH
24/9 Jeritza Jansen, BOD
25/9 Elvira Dijkhoff, BOD
28/9 Ligia Violenus, BKH
10/10 Dalila Trinidad, VHA
26/10 Angelique Maduro, VTA
26/10 Yolanda German, BKH
31/10 Lilian Palm, BTR

info@visserpharma.com
Les a Encuentro online na visserholding.com!